



**TUSI FAITAU: LUKE 2:41-48**

**SETEMA 2020**

**MATAIO 18:15-20**

**MATUA: " TOE SA'ILI I AU MA A'U MEASINA"**

I le suafa mamalu o lesu le Ao ole Eklesia, e ofo alofa ma fa'atalofa atu ai ile Paia maualuga ole tatou Kapelenisia (Matagaluega) mai ona tumutumumauga, seja paia fanualalo.

O Paia Fa'aletalalelei, ole a gona aua le affio ole va'a lanu ole Talalelei. Paia ma mamalu Fa'aleatunuu, nu'unu'u atu ia ile usoga a Tumua ma Pule aua ole latou fatuaiga taus iea. O le Talalelei ma le Aganuu o a tatou measina ma lo ta fa'asinomaga. Talofa! Talofa lava.

E ia te'i maua le agaga fa'amaulalo, e mamanuina ai se tomanatuga fa'aileagaga mo le tatou Kapelenisia, mo lenei fo'i masina fou o Setema 2020 ua finagalo-alofa le Atua e momoli mai i ai lo outou soifua laulelei ma so matou ola vaivai.

**TOE SA'ILI I AU MA A'U MEASINA** O le auau lea o se fa'aso fa'aileagaga. O lo'o i ai se mea o lo'o fa'aletonu i lo tatou lalolagi, e ala ile tele o fa'afitaui ma mea o lo'o tutupu ile lalolagi ma lo tatou si'siomaga, e tele ni mafauauga tatou te manatu ma mafaufau i ai.

O nisi taimi, tatou te manatu po'o le mea ea o le lē lava ole iloa ma le a'oa'oina. Peita'i, ou te manatu e leai, aua ua sili atu le iloa, silafia ma le a'oa'oina i lenei vaitaimi nai lo le tele o tausaga ua mavae. Ua tele atu lo tatou iloa i lenei vaitaimi i mataupu tau le matematika (mathematics) saienisi (science) mataupu ole aafiaga ole olaga masani (social science) filosofia (philosophy), nai lo i taimi ua tuana'i. O lona uiga, e foliga mai e le o le lē lava ole iloa ma le a'oa'oina ua mafua ai le tele o fa'afitaui o lo'o feataia'i ma le tagata i lenei lalolagi.

O nisi taimi ua tatou manatu; po'o le lē lava ole malamalamaga'a fa'asaienisi ua mafua ai. Ou te manatu e leai fo'i. Aua i lenei vaitaimi; ua faigofie ma mafai ona e puletifasi (breakfast) i Niu sila ile taeao; ona e oso lea ile va'alele ile aoauli; alu i Samoa faitaumafataga afiafi (dinner) ile Taumesina Hotel ile afiafi. Ae ile 60 pe ole 80 tausaga ua tuana'i; o nai o tatou matua sa malaga mai i Niu Sila i va'a la'u oloa e pei ole MATUA, e tele Aso o sau le va'a fa'atoa taunu'u mai i Aotearoa nei. O nisi sa malaga i Fiti, ona pu'e mai lea ole va'alele mai Fiti e malaga mai ai i Niu Sila. O le ala lea o lo'u manatu, e le ole lē lava ole iloa ma le a'oa'oina fa'asaienisi ua mafua ai le tele ole fa'aletonu ole lalolagi ma lo tatou si'siomaga.

Ou te manatu, o le fa'afitaui, o lo'o i totolu o tatou lotu ma agaga. Tatou te lē o a'oa'oina ma finau ile ola amiontonu, fa'amaoni, fa'ama-galo, agamalu ma le alofa moni. O le mafua'aga lena ole fa'afitaui, i lo tatou iloa fa'asaienisi ua mafai ai ona tatou feso'ota'i fa'atuaoi ma isi ile lalolagi, ae ile lē iloa ole ola sa'o ma le sesē ma le vaivai ole ola fa'aileagaga, ua le mafai ai ona tatou feso'ota'i fa'a-le-fanau a le Atua.

O lona uiga la, tatou te le'o toe fefefe i se pomu atomika e faia ile poto fa'a-saienisi, ae ole pomu atomika o lo'o i totolu o tatou lotu ma agaga; o lo'o fauina ile lotu ita, ma le leai o se alofa moni.

O le manatu lea o lo'o fia fa'atāuaina, ole toe to manatu lea pe toe fo'i i tua e toe sa'ili a tatou measina, o le a tauau ina leiloloa ma mou atu. Ou te manatu ole auala sili lea ma lelei ma talafeagai tatou te toe fauina ai se lalolagi lelei ma matagofie e finagalo ma fafia mai i ai lo tatou Atua, le mata'isau o mea uma lava.

I le tala lea o lo'o fa'amatalaina mai e le Tusitala o Luka, fai mai na ave ai lesu e Iosefa ma Maria i Ierusalem ina ua 12 ona tausaga. O le taimi tonu lea ole Paseka. Ina ua toe fo'i i Nasareta, pe tusa ua atoa le aso talu ona malaga ona fai ai lea ole malologa, ae iloa ai e Iosefa ma Maria e i ai le measina taua ua misi. O lesu e lē o faatasi ma i laua. Ona toe fo'i lea i Ierusalem ma maua ai lesu o lo'o i totolu ole malumalu fa'atasi ma le au tausi tulafono ole nu'u o lutaia. Ua iloa e Iosefa ma Maria, e tatau ona toe fo'i i Ierusalem e toe sa'ili mai le measina ua leiloa-ua lē o loa i Nasareta se'iloga e toe fo'i i Ierusalem

E i ai taimi ole olaga, e tāua ai ona tatou toe fo'i i tua, ina ia tapena ai ma iloa ai le alu i luma. O le ta'aloga lea ole tapolo (Golf) e i ai le vaega ole malae e fa'aigoina ole OB (out of bounds) e masani tele ai Seugali'i Kapeli ile ta'aloga lea. A ta le polo ma alu i tua ole maka lea ole "OB", e toe fo'i lava e toe ta mai le polo ile mea sa ulua'i ta mai ai. O lona uiga, e le taulia ta uma e fai ile aga'i i luma, se'iloga e toe fo'i i tua e ta mai se isi polo fou.

Ua iloa e Iosefa ma Maria, ole manua ma le fa'aolaina ole lalolagi o lo'o ia lesu lea, le measina ua leiloa. Ona toe fo'i lea e toe sa'ili mai ma toe fa'aauau ai le malaga i Nasareta.

# " TOE SA'ILI I AU MA A'U MEASINA"

Le tatou Kapelenisia e, e tele a tatou measina ua tauau ina mou ma leiloloa atu. A'o tatou aga'i atu pea i luma i le olaga nei ma galulue pea mo se Nu'u lelei, lalolagi lelei, tagata lelei, Ekalesia ma ni Aulotu lelei, Aiga lelei, e tatau ona tatou toe fo'i i tua e toe sa'ilii mai ma fa'atāuaina a tatou measina.

E tolu nai measina tāua ou te manatu e tatau ona toe saili mo se olaga manuia ma se lalolagi lelei.

## O le iloa ole sa'o ma le sesē

O mea uma e i ai lona sa'o ma le sesē. E to'atele nisi e le talitonu i lena manatu. Peita'i e i ai le tulafono ole ola sa'o ma le sesē, e pei ona i ai le tulafono o mataupu fa'asaienisi. Ou te iloa pe tou te talitonu, e i ai le tulafono ole alofa, a tatou lē usi-usita'i ua afaina fo'i i tatou. O le lu'itau mo oe ma a'u, ole olaga ma le lalolagi e i ai mea sa'o, e i ai fo'i mea sesē. E sesē le ita fua ole isi ile isi tagata. E sesē le fasioti tagata. E sesē le pepelo. E sesē le mulilua. E sesē le lotovale. E sesē le gaoi. E sesē le leai o se loto fa'amagalo. E sesē le fa'afoliga mai e alofa ae tumu totonu ole loto ile ita ma le faufau leaga i le isi ou uso tagata.

O le mea o lo'o mana'omia e le lalolagi, ole tagata e tatau ona tete'e atu ile leaga, ae sapai mai lelei i lona loto, agaga ma lona mafaufau. O le upu moni lava, e leai se tagata pepelo e ola umi. A e ole mea moni e natia ile 'ele'ele e toe tupu a'e ma olaola pea.

Na faia e le Atua le lagi ma le lalolagi, ma le tagata ole paleali'i o ana foaoaga, ma tu'uina i ai le mafaufau ma le loto lelei e iloa ai le tulafono ole lelei ma le leaga, ole sa'o ma le sesē. A o tatou tete'e atu i lenei tulafono, ua tatau tete'e atu lava lea ile Atua. Afai ua leiloa lena measina, ua tatau ona toe saili mai e lelei tapena ai le aga'i atu i luma. E le'i iloa e losefa ma Maria, sa toe fo'i lava e saili mai le measina a le Atua, o lona Alo pele lea o lesu.

## 2. Toe saili ma fa'atauaina lau measina o lau aganuu

Ole Atua o Samoa, ole Atua ole tagata. O le Atua o Aiga ma le Atunu'u ma Nu'u. I le ogatotonugalemū ole olaga ole Samoa, o lona Aiga. O le lumana'i ole Aiga i le tino ma le Agaga ole fa'amoemoe lea ole sa'iliga manuia o le Samoa. O le manuia ile a'oa'oina ma galuega a le Samoa-ole manuia lea ole Aiga. O le ola fa'atamala

ole Samoa-ole lē manuia lea ma le fa'alumainia ole aiga.

O le Samoa moni, ole tagata lea e ola toe oti mo lona Aiga. O le Atua o Samoa, ole Atua o aiga, le Nu'u, ma le atunu'u. Peita'i e i ai measina e tatau ona tatou toe fo'i i ai, e fa'alelei ai le aga'i pea i luma ole olaga. O le Fa'aaloalo, Tausi-matua, tausi-aiga, fetausia'i, tautua ole loto alofa ma isi ma isi. O nei measina o meaalofa a le Atua iā i tatou, e o'o mai ai fo'i ma fa'amaniaga a le Atua.

E le'i o loa losefa ma Maria ina ua leiloa Iesu. Sa laua toe fo'i i Ierusalem e saili mai le measina a le Atua- O Iesu lea.

## 3. O le lagi ma le lalolagi e i ai lona fa'avae fa'aleagaga

Ioe, e moni! Peita'i, e i ai taimi tatou te ta'uta'u ai le Atua mamalu ma le Pule aoao a le Atua i o tatou laugutu, ae tete'e atu i lona auai i totonu o tatou olaga. O le lalolagi atoa ma le to'atele o tagata lolotu, e i ai taimi e auauna ai na o laugutu. O le to'atele fo'i o'i tatou e le mafaufauina pe fuafuaina le o ese mai ile Atua. Peita'i, ona ole saoasaoa ole olaga ma le alualu i luma ole poto ma le tomai ole tagata, ua tatou fa'agalo ai le Atua i le tele o taimi.

E le'i mafaufauina pe na fuafuaina e losefa ma Maria le tuua o Iesu i Ierusalem. E le'i manatu ane losefa ma Maria, ua lelei ole a tia'i Iesu. Ua avea le aga atu i Nasareta ma mea ua galo ai Iesu, le MEASINA a le Atua mo le lalolagi. Ou te le o fai atu e leaga meaalofa fa'aleitino ole lalolagi. E taua le i ai o ta'avale, fale, peni, api, tupo, ofu fou, se'evae fou, TV, ma le tele o mea mananaia ole lalolagi. E taua ae vaai ne'i te'i ua avea ma suitulaga ole Atua i lou ma lo'u olaga. Ae afai ua leiloa ma mou atu, toe fo'i nei e saili ma fa'amautuina lena measina mo lou lava olaga ma se lumana'i lelei. Ina ua leiloa Iesu, e le'i fa'atamala losefa ma Maria ile toe fo'i i tua e saili mai le measina a le Atua. O Iesu Keriso lea.

Fai mai le ta'utinoga a le ali'i o Martin Luther King. " Ou te le o sauni e tu'uina lo'u fa'atuatua i mea fa'aleitino. Sa ou filifili mai le amataga e tu'uina atu lou ola i se malosi'aga e paia ma mautu-ae le o tama'i atua na o se taimi pu'upu'u tatou te maua ai, aemaise taimi lelei, ae ole atua e tumau ananafi, le Asō seia o'o ile fa'avavau-i le Atua e savali fa'atasi ma i tatou ile vanu ole ata ole oti-le Atua e fesoasoani i tupulaga ua mavae ma lo

latou fa'amoemoe i tausaga o lumana'i."

" I am not going to put my ultimate faith in things. I decided early to give my life to something eternal and absolute-Not in the little gods that can be with us in a few moments of prosperity-but to God who is the same yesterday, today and forever-in the God who walks with us in the valley of the shadow of death-the God who has been our help in ages past and our hope for years to come".

E tatau ona toe fo'i e saili mai le Atua e pei ona ta'u e Matini Luteru. E tatau ona tatou pei o losefa ma Maria, e le'i tu'ulafoaina le meaalofa a le Atua, ae toe fo'i e saili ma sapai mai ma fa'atāuaina mo lou Aiga, lau aulotu, le Nu'u ma le atunu'u, aemaise le Ekalesia ma le lalolagi atoa.

Toe saili-toe aumai lou uso ua leiloa pei fo'i ona fetalai Iesu ile Talalelei o lenei Aso Sa 23 ole Tausaga Masani, o'i latou o measina a le Atua e pei fo'i o oe ma a'u. O le saili mai e le o se galuega e faia na o oe ma a'u pei ona fetalai Iesu. Ole galuega e fai to'atele ona māmā ai lea o avega si'i e pei o upu a le Atunu. Saili ina ia e toe maua lou uso e pei ona toe saili losefa ma Maria ma toe maua Iesu le measina. A maua ona tau lea o ai ma fiafia le lagi. Toe saili-ua le fiu gofie e saili-o mea uma e i ai le sa'o ma lona sesē, ae toe saili pea ma fa'atauaina tu ma ta aganuu faa-samoa. Toe saili- O le lagi ma le lalolagi ma mea uma ua i ai e i ai lona fa'avae fa'aleagaga.

Aua ne'i galo o tatou tupuaga, e i ai measina mea tāua e tatau ona tatou faimalaga faatasi ma i tatou ile lumana'i. Tatou te faimalaga faatasi ma le Atua- Le Atua e muamua ma mulimuli, le Atua e fa'avavau pe a lona alofa. Le Atua ua momoli maia nai o tatou Tama i lenei Aso fa'apitoa mo i latou, ina ia fa'aauaua la outou pitolau ole saili ma saga saili pea a tatou measina mo lo tatou manuia ae sili ona manuia ma saga Vīia ai le Atua. Manuia tele le Aso Sa o Tama i Tama uma lava, mai lava io tatou Tama Pelepitelo seia oo atu i nai Tama Iaiti.

## TOE SAILI I AU MA A'U MEASINA IA MANUIA ONA O KERISO O a outou auauna ia Keriso

Vaueli ma Veronika Tuitolova'a ( FKS )  
Ekalesia Katoliko Samoa Naenae.

## AFOGA KATINALE JOHN DEW



### UŌ PELEINA

O se lu'itau tele pe a manatu i nai vaiaso na tuana'i atu nei i mea e mafai ona tatou faia ma mea e lē mafai ona faia i Numera o Lapata'iga 'ese'ese, ma vaiaso talu ai nei i Aukelani i le Lapata'iga Numera Tolu ae o le atunu'u atoa i le Lapata'iga Numera Lua ua atili ai le lē mautonu. E faigatā tulaga ua i ai nei, o mea na fuafuaina ua tolopō – o nisi o taimi ua leai ni fa'atasiga; potopotoga fa'aleaiga sa mo'omo'o atu i ai ae ua tolopō pe ua le fa'ataunu'uina fo'i; tagata ua leai ni galuega ma pisinisi, ma le tele o le popolega mo le lumana'i. O taimi 'ese nei toe lu'itau mo tagata uma.

O nei lu'itau o lo'o maua ai le lalolagi atoa, ma o le tele o atunu'u ua sili atu le pagātia i lo tatou i Niu Sila nei. Ae ui i lea, o i'inei i Niu Sila o le popolega o le mauaina o tatou po'o nisi fo'i i ni fa'aletonu. Tatou te taumafai e fa'aeteete ia 'ua ne'i i ai ni a'afiaga ma tatou te va'ava'ai i nisi auala e mafai ai ona tatou fesoasoani e taofiofi le pipisi o le fa'ama'i.

Fa'atasi ai ma popolega, o lu'itau ma le tu'ufesili ua faigatā ai fo'i ona tatou fai tatalo, ae ui i le taimi o le sasao o lenei fa'ama'i o le Covid – 19 ma mea ua faia iā i tatou e i ai lava le avanoa e sa'ili ai le Atua i ni 'aula fou, e pa'i atu o ai i tatou ma sa'ili 'aula e toe fa'amumū ai le afi i o tatou agaga. Manatua lenei mau – tatou te lē sa'ili mo se uiga'ese ma se maoa'e, o meaalofa fa'atauva'a a le Atua o lo'o si'osi'omia ai i tatou, e ui i nei taimi o fa'ama'i. Fa'aalu sina taimi e va'ava'ai ai i le si'osi'omaga, sa'ili le kalasia i le taimi nei, talia mea fa'atauva'a o aso uma ma mea e tutupu i lou olaga – o tagata e te feiloa'i atu i ai i aso ta'itasi, e fa'amanuia iā te 'oe – ia fa'aosofiaina ma fafaga 'oe e mea uma lava, o meaalofa ia mai i le Atua. Va'ai le pa'iaga i mea fa'atuva'a ma o le a anoanoa'i ma loloto lou manuia.

E o'o lava i le ogatotonu o lu'itau ma popolega, o suiga ma le tu'ufesili, ua aumai ai le mana'ona'o o lou loto i le taimi nei ma sa'ili le kalasia o lo'o fa'atali mai ai i'inā.

Ma Fa'amanuiauga uma Lava

+ Ioane

3

## SAGATO ROPATI BELLARMINE EPIKOPO MA LE FOMA'I (1542 – 1621)



Ina ua fa'au'u Ropati i le 1570, o le a'oa'oina o le tala'aga fa'apea Tamā a le Ekalesia sa i se tulaga fa'anoanoa tele ona ua le toe amana'iaina. O se atamai na va'aia i tulaga lelei mai lona talavou i Tuscany, sa tu'uina atu atoa lona malosi i nei mataupu e lua, fa'apea mataupu tau Tusi Pa'ia, ina ia fa'avasega lelei a'oa'oga a le Ekalesia aga'i i osofa'iga a le 'au Fa'afou. O ia o le ulua'i o le ituaiga o Iesu na avea ma polofesa i Louvain.

I lana galuega pito sili le ta'uta'ua o ana fatususiga e tolu – Fefinaua'iga Umi o le fa'atuatuaga Kerisiano. E ao ona maitauina lelei le vaega i le tofiga ma le pule a le Pope ma le matafaioi a tagatā lotu. Sa ia fa'atupuina le itagia o ia e Enelagi ma Farani ona o sana mau le magalogaloina i le aiā mamana a tupu. Sa ia fa'atupulia se manatu i le aiā a le Pope i mataupu tau le malō; e ui sa ia puipui i le Pope aga'i i le fai filosofia Sekotilani o Barclay, ae sa ia fa'atupulia fo'i le īta o Pope Sixtus V.


Sa fa'au'uina o ia ma Katinale e Pope Kelemete V111 i le manatu e leai ma se isi e "tutusa a la a'oa'oga." A o aumau ai o ia i fale o le Vatikano ae sa lē fa'aititia ai ona uiga sa i ai o le loto malosi. Sa ia fa'aititia tupe fa'aalu i lona nofo ai, ma ia fa'aogaina na o mea'ai sa tu'u'esea mo le 'au matitiva. Sa iloaina o ia sa tausia se fitafita na sola 'ese mai lana vaega'au ma sa ia fa'aogaina 'ie pupuni e fa'alavalavaina ai tagata matitiva, ma fa'apea mai ai, "E le ma'alilili puipui o le fale."

I le tele o ana galuega fai, sa avea o ia ma

fai telosia a Pope Kelemete VIII, tapenatususiga e tolu – Fefinaua'iga Umi o le ga o ni katesimo se lua na telē ni tā'a'ina po'o ni a'afiaga i le Ekalesia.

O se fa'afitali maoa'e tele i le olaga o Bellarmine na tupu i le 1616 ina ua ia a'oa'i ma fa'atonu lana uō o Kalileo, o lē sa ia mata'ina. Na avea Bellarmine ma suli o le Ofisa Pa'ia e momoli le a'oa'oina, lea na fa'ai'uina o le a'oa'oga a Copernicus, o le lā o le ogatotonu o mea uma o le vateatea e fa'atuga'ese i le Tusi Pa'ia. O lenei fa'atonuga ua avea lava ma se lapata'iga i le tu'uina mai o se tete'e i le tu'uina mai o ni masalosaloga e le'i fa'amaonia. O se fa'ata'ita'iga o sagato/ sagata e lē sao mai i le sesē.

Na maliu Bellarmine i le aso 17 o Setema 1621. O le la'asaga aga'i i lona fa'apa'iaina ma avea ma sagato na amatalia i le 1627 ae na toe tolopōina ona o ni mafua'aga i mataupu fa'apolokiki, na afua mai i ana tusitusiga, se'ia o'o i le tausaga 1930. I le 1931 na fa'ailoa ai e Pope Pio XI o se foma'i a le Ekalesia.



### O LE VAIRUSI HEROTA

Iesu, Maria, Iosefo.

Ina ia sosola ese mai le to'asa o Herota

Na outou faa'esea ai outou i Aikupito,

O mamao ese, mai le lagolago malosi a aiga ma uo.

O matou, foi, ua faa'esea mai le to'atele o ē pele ia i matou.

O lo matou "Herota" o se vairusi ua tuua ai matou i ni lamatiaga

O le tapunia o tuaoi, ua taofia ai femalaga'aiga

Ua le mafai ai ona maua ni feiloaiga

Ua e silafia le tigā o le faa'esea

O le lè mautonu ua pogai mai ai le fefe.

Faamalosia le agaalofa e fusia ai i matou

Le agaga e taofimauina vavalalata i matou

ia naunauta'i ai o matou loto i nei taimi o le lē mautonu

ia talitonu, ia faalolago, ma ia faamoemoe. Amene.

(Mataio 2:13-15)

### MAMAO ESE

Ua e mamao ese atu, la'u uo e,

Mo lou oe lava saogalemū,

faapea a'u ma isi tagata,

ioe, e tigā,

ona o lo'o i ai le faanaunauga e fia mafuta faatasi,

tusa lava pe o loo faamalumalu mai, lenei faama'i pipisi i le lalolagi

o loo taufaamata'u i ola, ma taofi mamao ai oe.

E maeu le matagofie, i le mafai ona fusia i tatou ta'itasi i le tatalo,

e lepeti ai le faa'eseaina

ae fusia i le faatuatua

ma e leai se mea o matuāmamao ese atu.

### MAMAO O LE VA FESOOТА'I MA ISI

Maria e,

Faatasi ai ma lou uso, atoa foi ma isi,

Na e tu i luga o Kalevalio

*O tau faamamao atu,*

ma mafatiaga o le loto faavauvau, a'o maliu lesu.

E to'atele i latou i aso nei

Ona o faigatā o lenei faama'i pipisi i le lalolagi

Ua le mafai ai ona mafuta faatasi ma è latou te alolofa i ai,

i latou o faata'otolia i ma'i, atonu a tāli oti.

O latou uma e tatau ona tausi i le mamao o le *va fesooта'i ma isi*,

Ua le mafai ona aapa pe papa'i atu i ai

Ne'i pipisi ai le vairusi.

Faatasi atu ia i latou o e lagona le mafatia.

Faamafanafana ē o maloloina atoa ma ē o mama'i

Faaititia le popole e maua mai ona o le va fesooта'i mamao ma isi

Tatala o matou loto i le mana na maua e lau Afio

ma le filemu e leai se vāvāmamao e mafai ona ia lepetia

(Mareko 15:40-41; Ioane 19:25-27)

**TATALO E FAAMANUIA AI LO TATOU AUFAATASI,  
I TAIMI O LE FAAMA'I PIPISI I LE LALOLAGI, UA MAFUA AI ONA TATOU VALAVALA**

**FAATASIA A'O VAVÃ MAMAO**

O loo inu sa'u ipu uaina le Alii e, i lenei afiafi  
I lo'u mafaufau, o loo matou inu faatasi ma lo'u aiga.  
E tele vasa o loo matou valavala ai.  
Sa matou valavala talu mai le taimi muamua o le Tapunia (Lockdown)  
a'o ese le faauigaina o le *puta* (bubble)  
Na ta'u mai e 'aua nei o matou mafaufau, e toe tatala vave tuaoi *i se taimi lata mai*.  
loe, matou te faanoanoa, ae o loo i ai pea le faamoemoe,  
Ona matou te iloa o loo e mafuta mai pea ma i matou.  
O loo ta nonofo faatasi, ma o loo e auai faatasi foi ma lo'u aiga.  
Sii a'e i luga se ipu, faatasi ma i matou i lenei afiafi  
Tausi mai pea ia i matou i taimi uma, aemaise taimi, o loo matou valavala ai.

Amene

**AUA LE FEEF**

I le tele o taimi, lesu e,  
Na e pulunaunau i au uo, e aua ne'i fefefe  
Ou te fia faalogo i nei upu -  
e matuã mana'omia e le lalolagi, ona lagonaina ia upu  
a'o faateteleina le alualu i luma o le Koviti 19  
Matou te fefefe ona o se vairusi, e le mafai ona matou faafo'ia,  
O se vairusi, e le mafai ona matou vaai i ai  
O se vairusi, ua valavala ai i matou.  
Fesoasoani mai, ina ia matou talitonu i au fetalaiga, ma lou auai faatasi mai  
la iloa e o matou loto, e ao ina ia 'aua ne'i o matou fefefe.  
Amene.

5

**FAALAGOLAGO I LE ALOFA**

*Le Alii e, ia e alofa mai ia te'i matou  
ua matou faatalitali atu ia te oe,  
ia fai oe ma o latou lima i taeao uma,  
o lo matou faaola foi i taimi o puapuaga  
(Isaia 33)*

Matou te toe valaau atu, i le si'uleo o upu a Isaia  
lau perofeta, le Alii e, i taimi faigata  
o taofi mau pea i le faamoemoe,  
ma faalagolago i lou alofa.  
A'o taofia e lenei faama'i pipisi lo matou lalolagi  
ma tatou valavala ai ma isi.  
la fusia i matou, i lou agalelei ma lou agaalofa.  
Tuu faatasia i lau puipuiga,  
la faasusulu atu e o matou olaga, lou alofa mutimutivale.  
O la matou tatalo lea i le suafa o lesu.

Amene.

# O GALUEGA A LE AU APOSETOLO

## O le sauniuniga mo le Misiona Kerisiano

*O le folafolaina mai o le Agaga Pa'ia.* 1. Teofilo e: #Luka 1.1-4

Na 'ou tusia le ulua'i tala i mea uma lava na amata 'ona faia e lesu ma a'oa'o atu, 2.e o'o i le aso na 'aveina a'e ai o ia, 'ina 'ua uma 'ona poloa'i atu e le Agaga Pa'ia i le 'au 'aposetolo ē na filifilia e ia. 3.'Ua mavae lona tigā, 'ona ia fa'ailoa atu ai lea o ia e ia lava 'iā te i latou, 'ua toe soifua mai. 'Ua fa'amaonia i fa'ailogia e tele; e fa sefulu po 'ua iloa ai o ia e i latou, ma na fetalai atu i mea a le mālō o le Atua. 4.Sa fa'apotopoto fo'i o i latou ma ia, 'ona fetalai atu lea o ia 'iā te i latou, "Aua le tu'ua Ierusalem, a 'ia fa'atali i le mea na folafolaina e le Tamā, 'ua 'outou fa'alogia ai 'iā te a'u.#Luka 24.49. 5.Auā na papatiso lava loane i le vai; a o 'outou, e papatisoina 'outou i le Agaga Pa'ia e lē tele ni aso e vā a'i."#Mata 3.11; Mare 1.8; Luka 3.16; loane 1.33

## O LE KERISO TOETŪ—MA LE TOE FA'AFO'I O ISARAELEI I IERUSALEMA

**Galuega 1: 1 – 8: 3**

Ua fa'aalia e Luka pe na fa'apefea i le misiona a lesu ona amatalia le fa'ai'uga o taimi i le toe fa'aleleia o Israelu ona maua ai le fa'aupuga i le fa'apotopotoga Kerisiano i Ierusalem ua Fa'atumulia e le Agaga.

**1: 1 – 5 Fa'atomuaga: "E pei ona ou fai atu, Teofilo e...."**

Ua fa'ailoa mai e Luka lenei fa'asologa o lana Evagelia i le fa'ailoaina o Teofilo, e pei ona i ai i le amataga o lana Evagelia (Luka 1: 1 – 4), fa'ailoa mai ai o le fa'aauauina lenei o le polokeki lava e tasi o lo'o fa'amatala mai. Fai mai le fa'aliliuga Eleni o le mataupu muamua, "Sa ou feagai atu ma mea uma na *amatalia* ma a'oa'o e lesu," o lo'o fa'apea mai e fa'apea ona faia e le Galuega ona *fa'aauau* ma a'oa'o mea na amatalia e lesu. E ala i le eklesia apostoliko. Ma ole fa'aupuga "e ala i le Agaga pa'ia" ua fa'apea ai ona fa'aleleia atili i le "filifilia" – lona uiga, "ina ua uma ona poloa'i atu e le Agaga Pa'ia i le au aposetolo ē na filifilia e ia." Mo Luka, ua na o ia mai i le 'au tusitusi Sinopi, ua maitauina na filifilia e lesu le To'asefulu ma le to'aluia ina ua aoina lana tatalo i le Atua (Luka 6: 12 – 13), mo Luka e masani ona muamua i se fa'amanaina fa'apitoa e le Agaga (silasila Luka 3: 21, aga'i atu 4: 18; Galuega 1: 14 aga'i atu i le 2: 1 – 4; ma le Galuega 4: 23 – 31).

E pei ona i ai i le Evagelia, o le vaega autū o a'oa'oga a lesu e tumau i le malō o le Atua. O le ta'ua e lesu o le "folafolaga a le Tamā" o lo'o fa'auiga i faitauga e tolu mai le Evagelia lona Tolu: (1) Luka 11: 13: "O lenei, o outou e leaga, 'āfai ua iloa e outou ona avatu o mea lelei ma a outou fanau; e lē sili 'ea ona foai'iina mai e lo outou Tamā o i le lagi le Agaga Pa'ia i ē ōle atu ai iā te ia"; (2) Luka 12: 32: "Aua e te fefe oe le lafu mamoe ititi e, auā ua finagalo lo outou Tamā e foai'i mai le malō iā te outou"; (3) Luka 24: 49: "Fa'auta fo'i, ou te auina mai iā te outou lē na folafolaina e lo'u Tamā; a ia outou nonofo i le 'a'ai o Ierusalem, se'ia maua e outou le mana mai lugā." O le meaalofa a le Agaga Pa'ia i le Penetekoso ua fa'ailoa atili mai ai le fa'aaliga o le malō o le Atua ua uma ona fa'avaeina e lesu (va'ai Luka 11" 20 & 17: 21).

O le feso'ota'i o nei fa'amanuiga ma le perofetaga a loane le Papatiso e uiga i le papatisoina i le Agaga Pa'ia (Luka 3: 16) ua feso'ota'i ai le folafolaga lenei i le folafolaga iā Esekielu o le toe fa'afō'ia fa'amamaina o tagata Israelu, latou ia o le a o mai fa'atasi ma le meaalofa o le Agaga mamana.

## O le Afio A'e o lesu i le Lagi

(Mareko. 16.19-20; Luka 24.50-53)

6.'Ua potopoto i latou, 'ona latou fesili ai lea 'iā te ia, 'ua fa'apea mai, "Le Ali'i e, o ona po nei 'ea 'e te toe fuata'i mai ai le mālō iā Israelu?"

7.A 'ua fetalai atu o ia 'iā te i latou, "E lē tusa 'ona 'outou iloa o ona po ma ona tausaga 'ua tu'u ai e le Tamā i lana lava pule. 8.'Ae peita'i o le a maua e 'outou le mana, pe ā afio ifo le Agaga Pa'ia i luga 'iā te 'outou; e fai fo'i 'outou ma molimau 'iā te a'u i Ierusalem ma lutaia uma lava, ma Samaria, e o'o lava i le tulu'iga o le lalolagi."#Mata 28.19; Mare 16.15; Luka 24.47-48. 9.'Ua fetalai atu o ia i ia mea, 'ona si'itia lea o ia, a o latou o va'ava'ai atu; 'ua 'avea fo'i o ia i le ao nai o latou luma.#Mare 16.19; Luka 24.50-51

10.'Ua latou tulimata'i a'e i le lagi, a o afio a'e o ia, fa'auta fo'i, o tagata e to'aluia 'ua tutū mai 'iā te i latou ma 'ofu sisina. 11.'Ua la fai mai, "O 'outou tagata Kalilaia e, se a le mea tou te tutū ai, ma va'ava'ai i le lagi? O lesu lenā, 'ua 'aveina a'e nai 'iā te 'outou i le lagi, e fa'apea 'ona toe afio mai o ia, e pei o lona afio atu i le lagi 'ua 'outou va'ava'ai i ai." 12. Ona latou toe fo'i atu lea i Ierusalem nai le mauga e igoa ia Olive, e latalata lea i Ierusalem, pe tusa lea ma le tasi kilomita lo la vā

## 1: 6 – 12 O le afio a'e o Iesu

Ona o le 'au so'o o ni tagata lutaia ua latou fa'ailoaina Iesu o le Mesia ua leva ona fa'atalitali i ai, ua alagatatau mo i latou ona fesili pe toe fa'afotua e lesu le malō iā Israuelu (v. 6). E le gata i lea sa ia talanoa iā i latou e uiga i le malō o le Atua, e pei o se fa'anaunauga malosi i na aso, o se toe fa'afotua o le nu'u i se tulaga e pei ona iai i taimi na pulea ai e Tavita i mileniumua ua tuana'i. E le'i te'ena e lesu le uiga tatau o le fa'afesili; ae sa lē mana'o e fa'aali atu iā i latou le poloa'iga mamana ua fuafuaina (v. 7). Ua fa'auigaina fo'i e lesu lo latou manatu i le malō; e le o se manatu fa'aatunu'u lalo nei ae o se fa'atasiga fou ua fa'amalosia e le Agaga pa'ia, o se fa'aataāta mai e le "aiga" fou o lo'o fa'aali mai i le Luka 8: 1 – 21.

O lo'o fa'aleo mai ai e lesu mea sa fai atu ai iā i latou i le Aso Sa o le Eseta (Luka 24: 49). Ina ua ia fai atu iā i latou o le mana o le Agaga o le a mafai ai ona avea fo'i i latou ma ana molimau mai Ierusalem "e o'o lava i le tulu'iga o le lalolagi" (v.8) e foliga mai o lo'o tau aumai le Isaia 49: 6 o lo'o fai atu ai le Ali'i i lana 'Au'auna e le gata na toe fa'atula'i mai le ituaiga a lakopo ae o le a avea ma malamalama i nu'u uma, "ma la'u fa'aolataga o le a o'o atu i tulu'iga uma o le lalolagi."

E ui o le upu masani mole solomuli mai fa'aletino o Iesu mai le 'au apostolo o le "afio a'e," atonu e sa'o atoatoa pe a fa'amatala le fa'amatalaga a Luka o lenei mea na tupu o se "manatu a'e". Ona na fa'aali e le tusi tala o se gaioiga a le Tamā. O le fa'amatalaina o lenei alu 'ese atu, na aumai e Luka tu masani fa'atusi pa'ia e uiga i le feoa'i a Enoka ma le Atua (Kenese 5: 23 – 24; Sirako 49: 14b) ma Elia (2 Tupu 2: 9 – 11; Sirako 48: 9). Ina ia fa'amatala le mea na tupu, ua ia fa'aopopo mea na ta'ua o "tulaga lagolago fa'aapolokalifa" – o le gaioiga aga'i i luga ile lagi, o se āo ua avea ma auala malaga, ma agelu ua fa'auigaina.

O le tala lona lua lenei a Luka e uiga i le afio a'e o Iesu i le lagi. O le fa'amatalaga muamua, ua aumai i le fa'ai'u o le Evagelia a Luka (24: 50 – 51), ua fa'atulaga ai le mea na tupu i le Aso Sa o le Eseta ma fa'amatala 'auilili ai Iesu ua toe manatua ai fa'amatalaga a le ositaulaga sili Simona II i le Sirako 50: 1 – 24. E pei o Simona, o le i ai o Iesu ua faia ma vivi'iga (Sir 50: 17 – 22); ua ia sisi'i ona lima ma alaga se fa'amanuiaga (Sir 50: 20), ma mulimuli mai ai ma le fa'ailoaina o fa'amanuiaga a le fa'apopototoga i le Atua ma vivi'iga i le malumalu (Sir 50: 22 – 23). I le faia o lea, ua gaioi ai Iesu e pei o le ositaulaga a le malumalu i le i'uga o faigataulaga i aso ta'itasi (Esoto 29: 38 – 42; Numera 2: 1 – 10). Ma i le fa'amatalaga a le Evagelia, o lo'o faia e Iesu mea ua lē mafai e le ositaulaga o Sakaria ona faia i le i'uga o le sauniga, o le sauniga o le iseso o se va'aiga pu'upu'u o e o lo'o fa'ailoa mai i le amataga o le Evagelia a Luka. I le tau fa'ailoa i lea itū ia Sirako 50, ua patipatia ai e Luka Iesu e pei o le 'aula na faia ai e Ben Sira mo Simona 11 o se taualuga o ana Vi'iaga i Tupuga (Sirako 44 - 50). Mo Luka, o Iesu, ae lē o Simiona 11, o le taualuga o le tala'aga o Israuelu; ma na filifili e Luka e fa'ai'u le vaega muamua o ana tusitusiga i le fa'aali maia o le alu 'ese atu o Iesu i le Aso Sa o le Eseta i ia fa'aupuga.

Aiseā, ia, na mafai ai e Luka ona fa'amatala lenei mea na tupu ua matuā 'ese a o ia amatalia lana tusitusiga lona lua? O nisi o le 'au a'oa'o ua fa'apea mai i le Galuega ua fa'alaua'itele e Luka le taimi o Luka 24 i le numera (fa'ailoga fa'atusi pa'ia) le numera fasesfulu, ina ia maua ai se feso'ota'iga latalata a le si'itiaga i le lagi ma le sasa'a mai o le Agaga i le aso lona limasefulu, Penetekoso (le sulufaga lutaia o le tu'uina atu o Tulafono i luga o le Mauga o Sinai). O tulaga fa'aapokolifa o mea fai tino e fa ona mafua'aga: (1) ina ia toe manatuaina le Liua o Fofoga o Iesu (Luka 9: 18 – 36, o le isi vaega na tupu i le mauga, ina ua le mafai e le au so'o ona tatalo, a o lenei ua mafai; (2) o le fa'atalitali mo le sasa'a mai o le Agaga ma le misiona e mulimuli mai ai; (3) toe manatuaina le alu 'ese atu o Iesu ua toe manatua ai 2 Tupu 2: 9 – 12 (o le isi fa'amatalaga o le fa'asolo mai o le agaga mo le fa'aauau fa'aperofeta); ma (4) fa'asino lea i le sau mulimuli (fa'amatalaina i le Luka 21: 27 o se sau "i le āo," o lo'o tau fa'ailoa mai ai le fa'atusa o le āo a Tanielu 7: 13, ae ua na o le tasi, e sauniuni ai mo le Galuega 1: 9). O lea ua tautala mai Luka mo le moni e tasi, le tu'ua mulimuli e Iesu o ana so'o sa mulimuli iā te ia mai ni fa'auigaina o ni manatu se lona. Luka 24 o lo'o aumai le afio a'e o Iesu o se fa'ai'uga talafeagai o le tala a Iesu; Galuega 1 o lo'o fa'amatala le mea lava e tasi na tupu o se amataga o le tala o le misiona a le Ekalesia, na amataina e le Ali'i toetū ma na fa'amainaina e le meaalofa a le Agaga.....fa'aauau pea.....



# O LE EUKALISITIA O SE MANATUAINA, TINO, FA'ASINOMAGA MA FA'AMOEMOEGA.

**E Fa upu – manatuaina, tino, fa'asinomaga ma le fa'amoemoega – ua mafai ai ona tatou fa'amaopopo ni moni tāua ua ulufia ai le patipatia o le sauniga fa'aeukalisitia.**

O le fatu o le olaga Fa'akerisiano, ua tumau ai pea le Eukalisitia o se punavai e le muta lona uiga, o se moni e le uma e tele lona 'oa e le mafai fo'i ona malamalama. Ae ui i lea, ua vala'auina le 'au fa'atuatua e avatu se fa'amatalaga o lato uiga pe a latou potopoto e 'tofifofi le fala'oa'. E fa upu ua tu'u fa'atasia vaega tāua o le Eukalisitia: manatuaina, tino, fa'asinomaga ma le fa'amoemoega.

## Fa'amanatuga

E ui ua na ole ositaulaga fa'au'uina e tautala i le Eukalisitia, 'faia lenei mea ma fa'amanatuga o a'u', o tagata uma o lo'o 'au ai, ona o lo latou tofi fa'aositaulaga na talia i le papatisoga, ua 'au ai i le faia fa'atasi o le fa'amanatuga. Ona o se fa'apotopotoga ua latou manatuaina le taimi ua tuana'i, aemaise lava o mea uma na a'afia ai tagata lutaia, lesu lava ia, ma le amataga o le Ekalesia e ala i le afio mai o le Agaga Pa'ia.

O le manatuaina e fa'atonutonu ai i tatou o ni tagata. Tatou te manatuaina e le gata o mea tigā ae fa'apea mea fa'afafia na tutupu ua fa'atonutonu ai o tatou tagata e pei ona i ai nei. O fa'amanatuga ua toe aumai taimi na maliliu ai o tatou matua, le malepelepe o fa'aipoipoiga, o fa'ama'i matuiā, ma nisi o vaega fa'anoanoa na afaina ai le tele o olaga. O le manatuaina ua toe fa'amanatu ai taimi fiafia ua fa'ailoga ai tagata patino ta'ito'atasi: fa'amanatuina o le Kilisimasi, fa'aipoipoiga, aso fanau ma le agalelei ua tatou teu lotoina mo le fa'avavau.

Tatou te manatuaina fa'atasi fo'i nisi o mea. Aiga, taulaga, atunu'u ma isi kulupu – aemaise lava, i latou e tutusa le fa'atuatua – fa'afafia i lo latou fa'amanatuina faifa'atasi. Katoliko o le pule'aga e tasi, fa'apea i latou sa asiasi i nofoaga e masani ona alu i ai malagasa.

O le Eukalisitia mo Katoliko o se gaioiga autū lea o le fa'amanatuga faifa'atasi. O le tatalo muamua a le Eukalisitia ua tautala i le 'fa'atuatua e sau iā i tatou mai aposetolo'. O le fa'atuatua ua sau 'iā i tatou', o le kulupu na tatou feso'ota'i atu i ai e ala i le papatisoga. E mafai ona tatou toe fa'aupua e fa'apea o le 'manatunatuga na sau iā i tatou mai aposetolo. Tatou te teuteuina ma fa'aauau le fa'atuatua fa'aaposetolo, ona ua tatou teuteuina ma fa'aauau fa'atasi le manatuaina o le 'au fa'avae fa'aaposetolo a le Ekalesia.

O le Eukalisitia ua toe fa'atinoa i i'inei ma le taimi nei o tatou amataga fa'alelotu. Ua tatou toe ola ai mea ua tuana'i i le taimi nei i le folafolaina o le Tusi Pa'ia fa'aoso-fiaina, fa'alogologo i lauga ua metitasio i mea na faia ma tautala ai lesu ma mea ua tatou masani ai i nei vaitau, laulauna fa'atasi le tatalo a le Ali'i, aemaise lava le avea ma suli i mea na ia faia i le Tausama'aga Mulimuli ae le'i

ulufale atu e ala i lona maliu ma lona toetu i lona afio i le lagi i lona mamalu. O le Eukalisitia o le fatu lea o la tatou manatunatuga fai fa'atasi Fa'akerisiano.

## Tino

O le fa'atinoina fai fa'atasi o le manatuaina fa'aeukalisitia e leai lea pe 'a lē *fa'aletino*. Tatou te amataina le sauniga i le fa'ailogaina o le o tatou lava i le koluse, o se gaioiga fa'aletino fa'atauva'a ua tu'u fa'atasia ai le fa'atuatua iā Keriso fa'akoluseina ma le fa'atuatua i le Tasitolu ua fa'aalia mai i lona maliu ma lona Toetū. Tatou te fa'aogaina o tatou tino pe a tatou faitau, fa'alogi ma tali atu i faitauga fa'atusi pa'ia ua fa'afō'i ai i tatou i tua iā Isaia, lesu, Paulo. Ae le'i folafolaina le Evagelia, tatou te faia le fa'ailoga ole koluse i o tatou muaulu, gutu, ma le loto. Tatou te nonofo, tutu, ma to'atutuli i taimi tatau o le Eukalisitia, fa'apea ona mafai e o tatou tino ona pepese i pese ua talafeagai ma taimi ma gaioiga o le sauniga. O le manatuaina fa'atasi e a'afia ai o tatou tino, fa'apea o tatou mafaufau.

O le vaiaso Pa'ia ma le Eseta, ua sili atu i lo isi patipatia o le Eukalisitia, ua fa'aogaina ai o tatou tino. I le aso Sa o le Pasio tatou te u'uina i o tatou lima ni lālā palema laiti pe a tatou au ai i le tala o le Pasio ma le maliu a lo Tatou Ali'i. I le aso Tofi Pa'ia ua toe fa'atino ai e le sauniga le 'au'aunaga agamaulalo a le Ali'i o le mulumuluina o vae o le 'au so'o. I le aso Faraille Pa'ia ua tatou savali atu ai i luma e pa'i ma fa'aaloalo i le koluse. I le Sauniga Afiafi o le Eseta tatou te laututū ai fa'atali'oli'o i le afi, ae le'i sāvali atu i le malumalu ma tofu tatou ma le selā ua uma ona fa'amumuina ma mulimuli atu i le Sela o le Paseka. I ni 'aula fa'atauva'a ma le māta'ina, o le manatuaina fa'atasi ua tali atu ai i meaalofa o le Eukalisitia ua vala'auina ai o tatou tino i le sauniga. O gaioiga fa'aletino o lo'o ta'u maia, i o latou lava auala, fa'amatala le tala o mea na faia e le Atua mo tatou e ala iā Keriso i le lua afe o tausaga ua mavae. O tatou tino ua tatou toe ola ai i o tatou taimi ua tuana'i.

O le fa'atinoga silisili o lo'o i le fatu o le Eukalisitia o le 'au ai fa'atino o le Keriso toetū lava ia. O lona tala'aga e le'i tumau ai pea o se maliu ua tuana'i ae na toetu fa'atasi ma ia. O lona uiga o lona afio ai toetū ua fa'amaonia ai se uiga 'ese, ola ai, manatuaina fa'aletino: o lona tala'aga i le tala a tagata lutaia, le tala'aga o lona fanau mai ma lana galuega tala'i, ma le tala'aga o lona Fa'akoluseina, Toetū, ma le auina atu o le Agaga Pa'ia. O le afio ai o Keriso Toetu i le Eulaisitia o se 'au ai fa'atino, ua fa'aola maia lona tala'aga, le tala'aga atoatoa na tu'uina atu e lona tino tagata na mafai ai e ia ona faia mo 'tatou ma la tatou fa'aolataga.'

## Fa'asinomaga

Po'o fea lava e fa'agalue ai le manatuaina fa'atasi, e fiafia lava i se tulaga fa'aagafeso'ota'i – i le fausia ma le fa'apotopotoga ola . O loto manatunatu ua fa'amatala ai o ai i tatou

I se auala matagofie tele, o le patipatia o le Eukalisitia ua fa'aali ai i tatou o ni Kerisiano. O le manatuaina fa'atasi ua toe fa'amausalī ai o tatou fa'asinomaga faifa'atasi. Ona o le sauniga autū o vi'iwi'iga, o le Eukalisitia ua toe manatuaina ai o mea na tutupu na fa'avae ai ma fa'aauau ai lenā fa'asinomaga faifa'atasi: le ola, maliu ma le Toetū o lesu Keriso, fa'apea le afio mai ole Agaga Pa'ia.

O latou ma mua'i mulimuli iā lesu sa malamalama i nei mea na tutupu e aogā, ma o ni tali mautinoa mo a latou sa'ililiga mo se uiga o le ola. Fa'atasi ai ma le fa'apotopotoga sa ia fa'avaeina e ala i le afio mai o le Agaga Pa'ia, na tali lesu mo latou le fesili 'autū o le ola: o le a lona uiga atoa?

A o sau ai le tala fa'asolopito mai le seneturi muamua, mavae atu se tasi o augatupulaga Kerisiano ae tula'i mai le isi. Ae ala i mea na latou manatuaina fa'atasi, aemaise lava, i le Eukalisitia, sa fa'aauau lava e auga tupulaga ona maua le uiga mo latou olaga. O le manatuaina faifa'atasi o la latou amataga Fa'akerisiano e le'i fa'atamala i le tu'uina mai i'inei ma le taimi nei le uiga ua aumai e le ola ma le malosi i se manatu faifa'atasi fa'afa'asinomaga. O le manatuaina o lo'o galue i le Eukalisitia ua maua ai le uiga ua fa'amatala ai o ai i tatou.

#### **Fa'amoemoega**

Mulimuli lava, o le Eukalisitia ua fa'amatalaina o tatou fa'amoemoega mo le lumana'i. Ina ia fa'afetaui ai upu tāua a Sagato Paulo, 'Auā o aso uma tou te 'a'ai ai i lenei areto, ma feinu i lenei ipu, tou te fa'ailoa atu ai le ola, maliu, ma le toetū o le Ali'i se'ia afio mai o ia' (1 Kirinito 11: 26).

I faiga fa'aletagata tatou te va'aia pea i le manatuaina e fanau mai ai le fa'amoemoe. O le toe manatuaina fa'atasi o fa'amanuiaga ua tuana'i ua maua ai e tagata le loto tele e tauivi ai ma le tele o ituaiga o lu'itau ma le onosa'i i le malaga fa'aleolaga. O le fa'amoemoe ua fa'amaonia so'o ai le malosi uiga 'ese o lona lagolagosua.

Ua toe manatuaina e Kerisiano i le Eukalisitia tulaga o a latou fa'amoemoega, na latou maua i le olaga, maliu ma le Toetū o lesu, fa'apea le afio mai o le Agaga Pa'ia. O mea na ausia e Keriso i taimi ua tuana'i na amatalia ai le i'uga o mea uma. O lona Mana ile afio ai i le Eukalisitia ua fa'aauau ai le fa'atalitali po'o le ā le mea e aumai i le i'uga o le tala'aga fa'alalolagi nei.

Na ala i le sini autū o vi'iwiiga na fa'aalia e Sagato Aukusitino o Hippo le komunio fa'ai'u o le ola i le afio ai mamana, na fa'anaunau uma i ai Kerisiano i le Eukalisitia. O i'inā (i le lagi) o le a tatou vivi'i ai; o le a tasi i tatou iā te ia (Keriso) o lē e Tasi, fa'atulaga (e le Agaga Pa'ia) aga'i i le Tasi (le Tamā); ona fa'apea ai lea o le to'atele, o le a lē fa'ata'ape'apeina'. I le fa'ailoaina o le Atua Tasitolu, sa fa'apea mai fo'i Aukusitino: e aunoa ma le taofia, o le a tatou tautala i se mea e tasi, fai vi'iga fa'atasi ia te Oe, e o'o lava ia i matou ua faia e tasi iā te Oe'. E leai se isi mea e fa'aititia ai lenei taunu'uga fiafia i le fai vi'iga fa'atasi i le Atua i le Eukalisitia.

## **O LE PESE A LE 'AU'AUNA**

**O metitasio Fa'atusi Pa'ia iā Maria, le Tinā ma le Fa'ata'ita'iga a le Ekalesia.**

O le Fonotaga a le Vatikano Lua na fa'apaleina ai le Fa'avae Fa'amaoni i le Ekalesia fa'atasi ai ma se vaega matagofie iā Maria, o le fa'ata'ita'iga ma foliga o le Ekalesia. E le maua e le Ekalesia se malamalama'aga atoatoa o lana tu'u fa'atasia ma Keriso ma lana 'au'aunaga i le evangelia e aunoa ma se alofa fa'anaunau ma le malamalama iā Maria, le tinā a lo tatou Ali'i ma i tatou. Ae ui i lea, ina ua mae'a le Fonotaga, e to'atele tagata i le Ekalesia e le'i avatua se amana'iaina o lenei mataupu.

O la tatou fa'aaloaloina ma le alofa iā Maria e tatau ona lē fa'aititia pe fa'aletāuaina, ae ia fa'afou ma fa'alomotoina. Ua tele le amana'iā i fa'aaliga i tagata ta'ito'atasi ma fa'aaliga masalomia a le Taupou Pa'ia e le fesoasoani i le tu'u fa'atasia o Kerisiano po'o lo tatou alofa mo lesu. O metitasio nei, e pei o lea, o le a tatou tu'u atu o tatou va'ai i tusitusiga pa'ia ma le sauniga.

Tatou te fa'aaloalogia Maria, o le Masiofo a perofeta ma aposetolo, o le fafine loto tele, o le 'au'auna agamalū a le Atua ma tagata, o lē na ola atoatoa le Tulafono fou o le fa'apa'iaina. E ala i nei mea uma lava ua ia ta'ita'ia i tatou iā Keriso.

Afai o la tatou fa'aaloaloina o Maria e moni, ona mafai lea ona tatou fa'amoemoe mo se taimi totogofou mo le fa'aevagelaina, ma aga'i atu i le tu'ufa'atasia o Kerisiano.

#### **MARIA, O SE FA'AILOGA O LE FA'AMOEMOE**

I le lotolotoi o se aganu'u e matele i le fa'a'autupā o ali'i e va'ai maualalo i fafine, o le pasina muamua a le tusi pa'ia ua fa'amamafa mai ai le tutusa o tamali'iaga o le tane ma le fafine. 'Ona fetalai ane lea o le Atua, "inā tatou faia ia o le tagata i lo tatou fa'atusa, ia foliga iā i tatou.....ona faia lea e le Atua o le tagata i lona fa'atusa, o le fa'atusa ole Atua na ia faia ai o ia, na faia e ia o i lā'ua o le tane ma le fafine' (Kenese 1: 26 – 27). Fafine fa'atasi ma le tane ua i ai lo la misiona ina ia

## O LE PESE A LE ‘AU’AUNA

avea le tasi ma le isi, o se fa’atusa o le Atua: o lona fa’amaoni, lona agalelei, alofa naunauta’i. Ua na ona tatou alaga atu i le mafatia i le va’ai atu o la’ua uma na fa’alata lo la’ua tamālī’i’aga i lo le talia o le tasi ma le isi o se meaalofa a le Atua ma vivi’i fa’atasi o ia. Ua manatu lava ua na o la’ua ma ua natia le Atua i lo le ta’uta’u ma fa’ailoa o ia. Ae ui i lea, ole folafolaga a le Atua na iā i la’ua mai le amataga. O le i ai o le Atamu ma le Eva fou. O le fafine o se fa’ailoga o le fa’amoemoe: “Ona fetalai atu lea ole ALI’I le Atua i le gata: “Ou te fa’atupuina le feitaga’i iā te oulua ma le fafine, o lau fanau fo’i ma lana fanau; na te tu’i momomoina lou ulu, a o oe e te tu’imomomoina lona miluvae” (Kenese 3: 14 – 15).

O lē o le a manumalō i agaga tevolo ma le fa’asausili, o lesu Keriso, o le Atamu fou, ae o le folafolaga o se Fa’aoala ua fa’ailoa mai e le fa’atusa o le fafine loto tele ma le agamalū ua fa’atulaga o se fa’ailoga aga’i atu i lē o le tevolo, aga’i atu iā i latou uma e fa’asausili ma mimita ma e mumusu e vivi’i le Atua ma ua lē mafai ona aloalofoa atu i o latou uso a tagata. Na folafola e le Atua i le fafine o lē o le avea ma foliga moni o le Atua o ana fanau o le a tino mai ai le agalelei ma le fa’atuatua o le Atua. O ia o le avea ma fa’atusa va’aria o le Atua e lē va’aria, ma o le Eva fou o le avea ma soa i le loto maualalo ma le mamā.

I taimi o mafatiaga tele, o le perofeta o Isaia, fa’aosofiaina e le Agaga o le Atua, na vala’auina le Tupu o Iuta e talosaga mo se fa’ailoga o le a fa’assa’olotoina e le Atua ona tagata. Ae ui i lea, na musu le tupu e talitonu ma tatalo mo se fa’ailoga. Ae na folafola le Atua e ala i lana perofeta: O le mea lea e tu’uina mai ai e le Ali’i lava le fa’ailoga iā te outou; fa’auta, e tō le taupou ma fanau mai se tama tane; na te fa’igoa fo’i iā te ia o Emanuelu” (Isaia 7: 14). I le aganu’u a Israuelu o le aiā tatau a le tamā e fa’agoaina lona atali’i. O se avanoa maoa’e i se fafine e avatu i le Fa’aoala le igoa o Emanuelu, lona uiga, o le Atua ma i tatou. E fa’atasi le Atua ma ia – ‘Ua iā te oe le Ali’i’.

O lo’o ta’ua e le perofetaga e tele na iloa ai se taupou o le a fanau mai le Tasi o le a ia fa’agoaina o Emanuelu, ua ofoina mai ai e Isaia se va’aga mo le Fa’aoala i le lumana’i: Ua fanau mai mo i tatou le tama, ua foa’iina mai mo tatou le atali’i, e i lona ūa le malō. E igoa fo’i o ia o le Silisili’ese, o le Faipule, o le Atua malosi, o le Tamā o le fa’avavau, o le Ali’i o le filemū, e leai se mea e gata mai ai ona tele o lona malō ma le filemū’ (Isaia 9: 5 – 7).

E le tau mate i le aiga o Maria o nei folafolaga sa masani ona metitasio ai ma sa latou pepese fa’atasi i pesega tetele a le lua Isaia o lona sini o le ‘au’aua a lova. Ona o le Taupou mo seneturi o se fa’ailoga o folafolaga a le Atua mo ona tagata, o Maria i le ta’ita’iga a le Agaga Pa’ia, na ola ile fa’amoemoe ma talosaga a se atevetu umi lava: “To’ulu mai ia, o oe le lagi i luga; o ao fo’i, ia fa’amatligi mai le amiotonu; ia fa’amaga mai le lau’ele’ele, ma ia fua mai le lau’ele’ele, ma ia fua mai le olataga ma le amiotonu, ia fa’atupuina fa’atasi; O a’u o le ALI’I, ua ou faia lea mea (Isaia 45: 8). Ae le’i taliaina e Maria le fe’au a le agelu o ia ua filifilia, o ia, o se afafine ua sili le lelei a Siona, pe na tatalo i aso ta’itasi ina ia tatala le manava a le fafine na folafolaina ma puna mai ai le fa’olataga. O le folafolaga ma fa’amanuiaga a le Ali’i sa iā te ia ae na te le’i iloaina o ia o lē ua filifilia e avatua le igoa matagofie i le Mesia, ‘Emanuelu,’ le Atua ua fa’atasi ma i tatou’.

Sa mautinoa na ola ai ma le malosi o le agalofa a le taupou o lē sa ola ma le mataala ma fa’atalitali mo le sau o le Ali’i. O Sagato Ioane o lē na tu’uina atu e lesu iā Maria, ma o lē na fa’atuatuaina e Maria, ua fa’atinoa maia le agalofa fa’apitoa a le taupou. O ia o sē na fa’atalitali mo le sau o le Ali’i’. O lenei agaalofa ua avatu i se auala maualuga tele iā Maria. O le suau’u o lana molō o lo’o susulu pea; o lona tagata atoa ua fa’anaunau mo le Ali’i, i le tapenaga e feiloa’i atu i ai pe a sau.

Afai tatou te fia fa’aalalo moni iā Maria, le fa’ailoga sili o le folafolaga, le Eva fou, ona tatau lea i lo mea uma lava ona talisapaia le agaalofa o le mataala ma le sauniuni. Tane ma le fafine i lo la felagolagoma’i e tatau ona mulimulita’i le Atamu ma le Eva fou, taumafai ia avea atoa ma fa’atusa ma pei o le Atua, faia ma va’aria o le tasi ma le isi le afio ai o le Atua: ‘le Atua ua fa’atasi ma i tatou’.

Ua sau le Atua i lea aso ma lea aso e ala mai i meaalofa e tele ma le mana’omia a le tagata. Ua ia vala’au ma fa’amalosia i tatou ina ia fa’atasi atu ma ia ma fa’amamalu lona afio mai. E fa’amanuiaina i tatou pe a tatou mulimulita’i i le mataala ma le sauniuni a Maria.

Matou te vivi’i iā te oe, le Atua, le Tamā silisili,  
mo le foa’iina mai o le Taupou  
i ou tagata ma le lalolagi atoa  
le fa’ailoga tele o le fa’amoemoe mo le sau  
o le Tasi o le a fa’ailoa atoa maia oe iā i matou,  
le Emanuelu.  
Matou tatalo i aso ta’itasi ina ia matou ola  
fa’atasi ma Maria, fa’amoemoe i le fa’afetai  
ma ia mataala pea i le sauniuni e tali atu ma o  
matou tagata atoa i lau vala’au ma lou sau i le mamalu.

Maria e, o taimi uma e manatua ma vala'au i lou igoa,  
 e lagona le fa'amoemoe ia te a'u ma naunauta'i  
 e iloa fa'atasi ma oe le Emanuelu,  
 le masani i lou latalata mai.  
 Ou te fa'afetai mo au tatalo fa'amaoni  
 ma lou fa'anaunau na fa'ataunu'uina  
 i le sau o le Fa'aola.  
 Tatalo mo matou, ina ia avea o matou  
 olaga o se fa'afetai foa'i e fai pea mo lona sau ai,  
 ma avea mo le to'atele o se fa'ailogia  
 o le fa'amoemoe, fa'alagolago, ma se vala'aulia e sa'ilili le Ali'i. Amene.  
 .....fa'aauau pea.....

## OSITAULAGA

Ositaulaga, Ta'ita'i Fa'alafulémū, Pule o a'oga ma Kolisi

Fa'atalofa atu ma mo'omo'o lelei uma mo outou.

E pei ona outou silafiaina uma o le aso Gafua 24 Aukuso na fa'aalia ai e le Palemia, o le piton'u o Aukelani o le a tumau i le Lapata'iga Numera Tolu se'i o'o i le afiafi o le Aso Sa 30 Aukuso. O le Aso Gafua e soso'o ai o le atunu'u atoa o le a me'i i le Lapata'iga Numera Lua m o lenei fa'ai'uga o le a toe iloiloina i le Aso Sa 6 Setema.

O lona uiga i tulaga tau i Misasa tatou te tumau ai pea e pei ona i ai nei. E fa'ataga Misasa i aso aunoa pe afai e tausia pea le va e tatau ona i ai tagata, fa'amamā ma vaega e mafai ona sue'ina ai tagata, ma e tumau pea tulaga tau i le taliaina o le Komunio. Komunio ua na o le lima ma e leai se Toto Pa'ia.

Misasa o falelauasiga e mafai ona patipatia, ae fa'amuta le numera i le 50 tagata.

O lona uiga mo le fa'ai'uga o vaiaso e lua i luma e fa'aauau

pea le LEAI o ni MIsasa i Aso Sa.

Ou te toe fa'aogaina lenei avanoa e avatu ai la'u fa'afetai ia outou mo mea uma o lo outou faia mo le saogalemū o tatou tagata.

Ma fa'amanuiaga uma lava i le Ali'i

+ Ioane Katinale Dew

## SAKALAMETA O LE FA'AMALOLOGA: O LE MANATU FA'ASAKALAMETA

O le toe manatu fa'asakalameta ua avea ma fa'avae mautū o sakalameta o le fa'amalologa o le fa'apa'iaina i lo le mataupu fa'avae ma ua fa'aogaina le manatu o le metitasio (Keriso ma le Ekalesia) e fa'ailoa ai fuafuaga ma gaoiga lavea'i a le Atua. E le'i i ai se 'ese'esega tele o le olaga o Iesu ma tatou, ae ui i lea o se fa'aaliga. O le olaga o Keriso ua ta'ua o le Misitelio Fa'apaseka ma i lenei misitelio ua fa'aali mai ai Iesu iā i tatou foliga o le fa'atuatua i le Atua. O le Misitelio Fa'apaseka o le tala o le fa'atuatuauga e o'o lava i le feagai ai ma tevolo.

E ui o le amataga o sakalameta Kerisiao na muamua atu iā Keriso, o lona olaga, e pei ona fa'amaumauina i le tusi pa'ai ma ola ai i le olaga fa'atuatua fa'asauniga a le Ekalesia, lona

uiga 'sa avea ma tagata i se taimi ma na o ia na le'i a'afia i le malosi'aga a le tevolo, sa fa'aleagaina ma fa'afilogaiana le itū tagata iā i tatou uma.

### **Liu Tino Tagata**

I le fatu o le Misitelio Fa'apaseka o le Liu Tino Tagata, o le apili lea na faia e Iesu iā i tatou e ioe atu i o tatou olaga fa'aletagata. Ua lē na o le apili fa'ale tagata ae fa'apea o se va fa'aletagata. O le filifiliga a le Atua ina ia avea ma tagata atoa o lona uiga o le Atua, ia Keriso, ua iloaina le moni e uiga i le tagata, e pei ona i ai, mai totonu aga'i atu i fafo. O le misiona a Iesu sa va'aia ai se tulaga loloto o le fa'aaloalogia o le tamalii'aga o le tagata, e pei o ia lava i lona tagata. O le tulaga fa'aliutino

tagata ua tatau ai, ma o lo'o i ai, i le sakalameta o le fa'amalologa o lo'o fa'amatala i fuaiupu nei mai le Tusi e Lua ia Korinito: "O lenei, sa iā Keriso le Atua, ua fa'aleleia e ia le lalolagi iā te ia" (2 Korinito 5: 19) ma, "O lenei, āfai o iā Keriso se tasi, o le tagata fou ia, ua mavae le ola tuai, fa'auta, ua o'o mai le ola fou" (2 Korinito 5: 17).

O le sakalameta o le fa'aleleiga ua folafolaina le i ai o le lelei i foliga o le leai o se lelei: 'Tali mau na taimi e le'i fa'aletonu lava le Ekalesia i le vala'auina o tagata mai le agasala ina ia liliu ma i le patipatia o le faia o togisala e fa'ailoa ai le manumalō a Keriso i le agasala'. O le vala'auina ole Agaga i tāga ma upu o le sauniga ua le na o ni upu po'o ni tāga. O fa'ailoga o le fa'amalologa ma

# SAKALAMETA O LE FA'AMALOLOGA: O LE MANATU FA'ASAKALAMETA

fa'ailogia o le vala'auina o le fofō mama.

## ***Fa'amalologa o se vituti Kerisiano***

O le folafolaina o le malō o le Atua o le misiona lea a Keriso ma o lona uiga o sauniuniga lea o tagata molana 'au'aunaga o le fa'amalologa. O le fa'amalologa ua mafai ai e le tagata o na talia le fe'au. O fa'ama'i, a fa'amasinoina fa'aaganu'u ma tulaga fa'afoma'i, o se masani e muta, e fa'alavelave i fa'amoemoega, ma e fa'atigā i tagata. O le fa'amalologa o se vaega e fou i 'au'aunaga a Keriso. Sa ia feagai atu ma fa'ama'i, tevolo ma le tīgā, ae o lana 'au'aunaga ua lēna o le fa'aleleia o puapuagatia ma fa'afitauli. Fa'amalologa ua lēna o le fa'aleleia, ua fa'atupulia le fa'aleleiga o va feagai ai ua malepelepe ma suiga o atoaga ua nutilili'i. Fa'amalolo-

ga o le fa'aleleiga o mafutaga ua talepe e fa'ama'i. O le manatu o le fa'amalologa o se manatu loloto o le liliuga po'o se fa'aleleiga ma le fa'atasiga loloto a tagata ma le Atua. E ui o le amataga o sakalameta Kerisiano na muamua atu ia Keriso pe na amatalia i sauniga ma tu masani fa'alalolagi, o se uiga 'ese moni fa'asakalameta na amata iā Keriso o ia na suia atoa nei gaioiga e ala i lona fa'aogaina o nei faiga o ni fa'ailogia o le alofa ole Tamā.

## ***Auaunaga a lē e fa'atino a le fa'amalologa***

O le auaunaga o le fa'amalologa o le folafolaina lea o le fa'atumutumuga o le tafa o āta o le olaga o le tagata ua tatala, e le o tapunia, e ala i le afio ai o le Atua ma le 'au'aunaga a Keri-

so. O le faiga fa'asauniga o se vaega fa'aekalesia ia e maua ai se va'aiga i le maliu, fa'amasinoga ma le taunu'uga mulimuli i le fa'atuatua ma le fa'amoemoe o ni fa'avae e fausia ai lenei mafutaga fou, le fa'ama'i ua feagai atu i ai po'o le maliu ua aga'i atu i ai ma le moni. O le 'au'auna e fa'aogā fa'ailogia fa'alatino e 'tautala' ai i lenei mataupu i tagata ua a'afia, ona o le Eklesia ua vala'auina e sa'ili lē ua leiloa ma alu atu iā i latou 'o lo'o nonofo i le pogisā ma āta o le oti' (Luka 1: 79). O le 'au'aunaga o le fa'amalologa ua vala'auina ai le 'au'auna fa'au'uina, le fa'apotopotoga, le aiga ma le tagata ma'i i le fa'apotopotoga o le 'au fa'aleleiga.....fa'auau pea.....

12

## O LA TATOU FA'ATUATUA UA LAVEA'IA I TATOU

O Keriso o la tatou "fa'avae mautinoa" lea. O ia o le Alo o le Atua e Fa'avavau, ma o se tasi ua fa'atasi ma le Tamā, o ia na liutino tagata, e pei ona fa'amatala e le Ta'utinoga o le Fa'atuatua" (Tatalo Naisia), "mo tatou ma lo tatou fa'aolataga".

Ua na o ia e maua i ai upu o le ola. Iā te ia, e pei ona a'oa'o mai e Apostolo, " o lo'o fa'atumaufina fo'i mea uma lava iā te ia"..."Auā ua finagalo le Atua ia mai i totonu iā te ia le tumu 'ato'atoa" (Kolose 1: 17, 19). O la tatou taumaūga i le tu'u fa'atasia o Kerisiano na fanau mai i lo tatou fa'atuatua iā Keriso, ma i lenei Keriso, Toetū mai le oti ma o lo'o nofo i le itū taumatau o le Tamā, o le a toe sau o ia i le mammalu e fa'amasino i e ola ma e ua oti. O le moni lea o le tagata o Keriso, o lana galuega lavea'i ma o le fa'atumutumuga o mea uma lava o le tala fa'asolopito o lona toetū, o le vaega o le tatalo fa'aapostolo ma fua fa'atatau moni, amata mai i le Feagaiga Fou lava ia, ua fa'amaonia le amio tonu o ana fa'amatalaga. O le tu'u fa'atasia o le Eklesia, i se isi fa'aupuga, e le o se isi lava i lo le tu'u fa'atasia i le fa'atuatua fa'asapostolo, i le fa'atuatua ua tu'uina mai i suli ta'itasi o le Tino o Keriso i le taimi o le Papatisoga. O le fa'atuatua lenei ua tu'u fa'atasia ai i tatou i le Ali'i, avea i tatou ma fa'asoia i lona Agaga Pa'ia, ma tatou fa'asoia ai i le ola o le Tasitolu Pa'ia, o le fa'ata'ita'iga o le tu'u fa'atasia o le Eklesia ile lalolagi nei.

Uso ma tuafafine, ua tatou iloaina lu'itau, o fa'amanuiaga, o fa'anoanoaga, ma fa'ailogia o le fa'amoemoe ua fa'ailogia ai a tatou faigamalaga fai fa'atasi ma isi uso eklesia. Tatou te tu'uina atu nei mea uma ile Ali'i, fa'amoemoe i lona alofa ma le mana o lana kalasia. Ua tatou iloaina ni faigauō ua tatou faia, talanoaga ua tatou amataina ma le fa'amoemoe ua ta'ita'iina ai i tatou o le a maua mai ai le lototele ma le fa'asino ala a o tatou faia ma le onosa'i la tatou malaga masani. E le gata i lea, fa'atasi ai ma le moni fa'aevagelia, e ao fo'i ona tatou maitauina lu'itau e feagai ma tatou, e le gata i le ala tatou te uia i le tu'u fa'atasia o Kerisiano, ae fa'apea le tatou galuega o le folafolaina o Keriso i aso ta'itasi. O le fa'amaoni i le upu a le Atua, ona o le upu moni, e mana'omia mai iā i tatou se usita'i e ta'ita'ia fa'atasi ai i tatou i se malamalama'aga loloto i le finagalo o le Ali'i, o se usita'i e ao ona sa'oloto mai le sa'olotoga mai le atamai ogatasi aga'i i le agaga o le tausaga. O se upu fa'amalosi'au lenei ua tu'uina mai ma le fa'aeteete fa'apitoa mo le tausia o le tu'u fa'atasia o le lafu a Keriso.

## MEMORY LANE PHOTO GALLERY



## FAITAUGA MO LE MASINA O SETEMA 2020

### ASO SA MUAMUA - ASO SA 23 TAUSAGA MASANI:

Faitauga 1: Esekielu 33: 7 – 9

Matua: Afai e te lē apoapoa'i atu i lē ua amio leaga, o lona toto 'ou te tauiatua lea iā te oe.

Salamo: 95: 1 – 2 (tali), 6 – 7 (tali), 8 – 9 (tali)

Tali: O le aso nei afai tou te fa'alogoi ai i lona si'ufofoga, 'aua ne'i fa'ama'a'a o outou loto.

Faitauga 2: Roma 13: 8 – 10

Matua: Ai se alofa atu i se tasi, ua atoatoa ona faia e ia o le tulafono.

**Aleluia, Aleluia...Ua 'ou ta'uua outou o uō, auā ua 'ou fa'ailoa atu iā te outou mea uma na 'ou fa'alogoi ai i lo'u Tamā ...Aleluia.**

Evagelia: Mataio 18: 15 – 20.

Matua: Afai e fa'alogoi mai o ia iā te 'oe, ua e maua lou uso.



#### Tofitofiga O le Upu:

O le faitauga manino mai le Roma ua tu'uina mai ai iā i tatou i le asō na fuafuaina e Paulo o se fa'avae so'ona fai mo olaga i totonu o fa'apotopotoga fa'apea le va o suli. O le natura tonu a le Ekalesia ua a'afia ai uma isi suli. Afai o suli ta'itasi ua ta'ita'iina e le alofa i taimi uma, ua finau mai Paulo o le a leai ni fa'afitalu i le olaga o le fa'apotopotoga. A o Mataio i le Evagelia, o lo'o manino , i le moni, o le olaga o le fa'apotopotoga Kerisiano e lē o ni āga masani. I o tatou aganu'u e pei ona i ai i Sisifo, o le fa'atutaua ma ana faiga ua va'aia o ni vaega e totino, ae i fa'apotopotoga Kerisino e lē o le tulaga lea ona o le papatisoina o suli ta'itasi ua avea ai i latou ma vaega o le tino o Keriso ma ua i ai se va feso'ota'i o le tasi ma le isi. O lo'o manino i le Evagelia a Mataio o lo'o ia iloaina nei mataupu, ma ua tatou maua nei fa'amatalaga manino mai le Ali'i pe fa'apefēa ona tatou feagai atu ma latou ua sesē. O le autū, mai le amataga, o le toe 'aumai lea' o le uso po'o le tuafafine ua sesē. Afai o se lu'itau totino e lē fa'amalieina i se iuga na mana'ona'o i ai, ona tatou lea ona a'afia ai ma isi, ae afai e leai se taunu'uga e maua, ona tatou lea ona

a'afia ai le fa'apotopotoga atoa lava. Se'i vaganā ua te'ena se fa'ai'uga a le fa'apotopotoga ona tatau lea i lē ua agasala ona fa'ate'a'eseina, ma o le fa'ate'aina o le fa'ai'uga lava a lē ua na te'ea le fa'apotopotoga. O vaega e lua o le faitauga e tāua (O Amene, Amene ua fai mai – o se fa'aaliga ua pa'ū mai).

O gaioga aloa'ia a le fa'apotopotoga i le fa'ailoaina i amioga a se tasi o ona suli ua avea ma fa'amasinoga a le lagī. O le fa'aupuga e uiga i le 'to'alua po'o le to'atolu e fa'atasi i lo'u igoa' e masani ona fa'aogā e fa'amatala ai le afio ai o Keriso pe a potopoto le 'au fa'atutaua i faigā talosaga. O le moni o lenā fa'aupuga i lona tusitusiga o le fa'amatalaina lea o le fa'atofala'iga mo le gaioiga a le Ekalesia i le fa'atonutonuina o ona suli. E tāua tele lenā ma e tatau ona tomanatu ai ma le fa'aeteete e latou e manana'o e finau pea i le avea ose tasi ma suli o le Ekalesia o se mea e patino i lenā tagata.

#### Metitasio Aso Sa 1 of Setema

##### O le Tāua o Tatalo

E maua i tatou i taimi o le fa'anoanoa, ma lagona ai le loto ua pei o se ma'a i le fatafata, ua mamafa ma e masani e lagona fo'i lenā leo, "Tatalo." O le a se mea tatou te mafai ona tatou tatalo. E mafai ona tatou tatalo pea e le uma, e pei ona fai mai Sagato Paulo. E mafai ona tatou faia fa'atasi ma le au apostolo, "Le Ali'i, a'oa'o mai ia te a'u ona tatalo". Tatou te faia fa'atasi ma Sagato Paulo, Le Ali'i e, se a le mea ou te faia? (Galuega 22: 10) Pe aumai e le Tamā iā i tatou se ma'a pe a tatou talosaga mo se falaoa?

Tatou te manatua upu a lesu, Ou te fai atu fo'i iā te outou afai e lotogetasi se to'alua o outou o i le lalolagi, i se mea la te ole atu ai, e faia lea mo i la'u e lo'u Tamā o i le lagī. Auā o le mea ua fa'apotopoto ai se to'alua, po o se to'atolu i lo'u igoa, 'ou te i ai fa'atasi ma i latou (Mataio 18: 19 – 20).E i ai fo'i se isi vaega o le tusi pa'ia e manatuaina i nei aso e fa'apea: Ina ia fa'ateleina ai le agasala; peita'i ua silisili lava le alofa tunoa (Roma 5: 20). Tatou malolō ai i lea folafolaga.

O le vaitau nei o lo'o tatou feagai atu ma le fa'ama'i o lo'o pipisi e le aoga ona tatou tumafai ina ia avea i tatou o ni fa'apotopo-

toga e le talafeagai. E le o tatou o ni fa'apotopotoga e fa'atupeina isi vaega, manao'na'o e fesoasoani atu i tagata i ni falaoa ma pata ma se ipu kofe po'o le ti. Tatou te fesoasoani i ē ua fia 'a'ai, ioe; tatou te taumafai e fesoasoani ia i latou e leai ni nofoaga po'o ni aiga e malolo i ai ma avatu i ai ni lavalava, pe afai o la e i ai, ae o lo'o i ai fa'atutauaga malosi o lo'o galue ai; tatou tatalo. Afai o se tasi mai fafo e asiasi mai ae le maitauina a tatou tatalo ma ona uiga, ona ia misia lea o le uiga atoa o mea.

# FAITAUGA MO LE MASINA O SETEMA 2020

## ASO SA 2—ASO SA 24 TAUSAGA MASANI:

Faitauga 1: Sirako 27: 30 - 28: 7

**Matua:** la e fa'amagalo atu i le uso ua na fa'aleagaina oe, ona fa'amagaloina ai lea o au agasala pe a e tagi atu i ai.

**Salamo:** 103: 1 – 2 (tali), 3 – 4 (tali), 9 – 10 (tali), 11 – 12 (tali).

**Tali:** E alofa mutimutivale ma alofa fua mai le Ali'i, e telegese lona to'asā, ae tele lona alofa.

Faitauga 2: Roma 14: 7 – 9

**Matua:** Afai tatou te ola mo le Ali'i, pe afai e oti, e oti mo le Ali'i.

**Aleluia, Aleluia...** O lau afioga o le Upu moni lea; ia e fa'apa'iaina i matou i le upu moni ...**Aleluia.**

**Evagelia:** Mataio 18: 21 – 35

**Matua:** 'Ou te lē fai atu iā te oe se'iā atu fitu, a ia fitugafulu ni fitu.



### **Tofitofiga O le Upu:**

Ina ua mua'i fai atu Peteru e masalo e vala'auina o ia e fa'amagalo fa'afitu – o lo'o faia ma le agalelei tele lava – o le numera fitu o se fuainumera tele lava. Ae ina ua tali malosi mai lesu ma lana tali o le 'fitu sefulu ni fitu', ua tatou iloaina ua augani mai iā tatou ia sili atu i se isi lava mafua'aga. O le faitauga mai Sirako ua ofoina maia se fa'auigaga talafeagai o le Tulafono – e lu'itau tele. Ua ave ai tele e lesu. O le fa'aupuga autū i le Evagelia o le asō o le 'e lē mafai ona ia totogiina'. O le aitalafu na fa'aputuputu e le 'au'auua ua telē naunau – o se mea ua pei o se aitalafu fa'alemalō – ua matuā lē lavatia ona totogi e se tagata e to'atasi. Ae na fa'amagalo e le matai le aitalafu: na te le'i tu'uina atu iā te ia se taimi pe tu'u atu e totogi auaua'i mai – na ia fa'amagalo le aitalafu. A tatou lē fa'atāuaina o le lē mafai ona totogi ma le

aitalafu ua fa'amagaloina, atonu o le a tatou tula'i mai ai ma se manatu o se amio atua ta'uleleia. O le moni fa'atelosia e fa'apea, a tatou o mai i luma o le Atua ma a tatou 'aitalafu' ua tatou lē mafai lava ona totogi – ua leai lava ma se mea tatou te mafai e toe fa'asa'osa'o ai i tatou ma le Atua. O a tatou galuega lelei uma, o tatalo ma togisala o fua lava ia o le kalasia na tu'uina mai iā i tatou. A tatou popole tele i ai, e mafai ona ta'ita'iina o tatou lagona po'o se talisapaia loloto o meaalofa uiga'ese o le fa'aolataga. O le meaalofa uiga'ese lenei ua ofoina atu iā i latou e 'totino i lo tatou Ali'i'. O a tatou aitalafu o le a soloia ma fa'amagalo – ua ave'ese e pei lava e le'i i ai. O le mea lenā ua tatou patipatia i le Eukalisitia: o le toto o le feagaiga fou ua sasa'a mai mo le fa'amagaloga o agasala'; e fa'apenā ona fa'amagalo a tatou aitalafu.

### **Metasio Aso Sa Lua Setema**

#### **Fa'amagalo mai le Loto**

O le alofa ua tatou faia i olaga fa'aleaiga e va'aia i le tele o auala. Tatou fa'amalo'si'au, tatou te lagolagosua, tatou te tau'ave le tasi ma le isi. Ae o le ituiga o alofa ua talafeagai o le mafai ona fa'amagalo. E masani e lē faigofie ona fa'amagalo, ae o se mea ua tatau. Afai e leai se fa'amagaloga i le va feagai ai a ulugali'i, a leai se fa'amagaloga i tagata o se aiga, o le a amata ona tula'i mai fa'afitauli. O puapuagatia i so'o se ituiga o le a tuputupu a'e ma fausia ai ni pa puipuia e vavae ai i tatou mai isi. O le isi, afai tatou te fa'amagalo i aso uma, o mafutaga masani o le a tumau ma ole alofa e toe fanau pea. Fa'amagaloga e le masani ona faigofie; o se tasi nei o gaioiga o le alofa e lē fa'apito. O le fa'amagaloga e mafai ona

avea ma se gaioiga tele o le sa'olotoga – sa'olotoga e alofa e o'o lava i lē na faia le sesē ia 'oe.

A fai e faigatā ona fa'amagalo, o le kalasia lenei e tatau ona tatou talosaga atu ai. O nisi o taimi o tatou malosi'aga fa'aletagata e le lava ma e tatau ona talosaga ile Atua ile agaga maua'alo ma tatalo. O nisi o taimi e fa'atalitali le taunu'u mai o lenei kalasia, ma o se mea masani lea. Afai ua loloto le manu'a, o le taliaina o lenei kalasia e alu se taimi ma ole tele o talosaga, onosa'i, ma le loto maua'alo...E faigatā ona fai atu, "ou te fa'amagalo iā te 'oe". E faigofie ona fa'amagalo i le auala e faia ai e lesu. Ina ua fa'amagalo e lesu ona fili i luga o le koluse, sa ia liliu atu i lona Tamā ma fai atu, Lo'u Tamā, fa'amagalo i latou. Latou te leiloa le mea ua

latou faia. A faigata ona tatou fai atu, "ou te fa'amagalo ia te oe," o tatou fo'i e tatau ona liliu atu i le Tamā, ona i le iuga ua na ole Atua e mafai ona fa'amagalo. E tatau ona tatou liliu atu ile Tamā ma fai upu a lesu, "Tamā fa'amagalo o ia po'o latou ona ua leiloa le mea ua (ia) po'o (latou) faia"...o le fa'amagalo, e tatau ona tatou atu i le finagalo o le Tamā . O le punavai lea ole fa'amagaloga. E lē o iā i tatou; o le finagalo o le Atua, ma o i'inā tatou te sa'ilī i ai le fa'amagaloga.

## FAITAUGA MO LE MASINA O SETEMA 2020

### ASO SA TOLU - ASO SA 25 TAUSAGA MASANI:

Faitauga 1: Isaia 55: 6 – 9

Matua: O o'u manatu e sili i o outou manatu

Salamo: 145: 2 – 3 (tali), 8 – 9 (tali), 17 – 19 (tali)

Tali: E latalata mai le Ali'i iā te i latou uma o e vala'au iā te ia.

Faitauga 2: Filipi 1: 20 – 24, 27

Matua: O lo'u ola ua iā Keriso lea.

Aleluia, Aleluia...O lau afioga o le upu moni lea; ia fa'apa'iaina i matou i le upu moni ...Aleluia.

Evagelia: Mataio 20: 1 – 16

Matua: E te fa'a'u'ū mai 'ea ina ua ou agalelei?

#### **Tofitofiga O le Upu:**

O le fa'ata'oto mai le vaiaso ua tuana'i atu o se matai na fa'amagalo aitalafu a lana 'au'auna ua tatau ona tatou mafaufau i ai – o le asō o le mea lava e tasi. E pei ona fai mai ai Isaia i le faitauga muamua: 'o o'u ala e lē o outou ala' – e 'ese auala e gaoi ai le Atua. E fa'aogā e lesu fa'ata'oto e fa'aali mai ai o le lē talafeagai o le lalolagi o Evagelia i mafauauga fa'aaso nei. O le manatu o le tutusa o totogi o i latou e faigaluega mo le itula e tasi ma latou e faigaluega mo le aso atoa ua lē talafeagai ma o tatou manatu fa'atamā-o-aiga fa'apea se manatu o le amio tonu ma le talafeagai (ona o isi tagata faigaluega e fai'tio). I le fa'ata'oto o le vaiaso nei o le manatu autū e fa'atauva'a lava – o tagata uma lava e mana'omia le falaoa i aso ta'itasi e pei ona fai mai le tatalo a le Ali'i. Ua le aumaia se mafua'aga pe aiseā i tagata faigaluega

i le fa'ai'uga o le aso ua le toe faigaluega ai – Pe na tuai mai? Pe na iloaina e lē fa'atutuaina i latou? Pe leai se fa'anaunauga e una'iā i latou agai i luma? E lē o ta'u maia, ae o fuafuaga a le malō e leai se afaina. O le mea e taulia latou te *mana'omia* ia latou tenari (o le totgi mo le aso).

E i ai lona uiga tonu – ae le o se 'ta'aloga e talafeagai' po'o 'se malosi tau i maketi'. O a'oa'oga malosi a le Lauga i le Mauga i le amataga o le Evagelia a Mataio 'ua fa'alogeo o ia iā lesu....ae ou te fai atu iā te 'oe' e sau i se tulaga fa'a-fa'ata'oto i le vaega mulimuli o le Evagelia a Mataio. E i ai lava le manatu e fa'alogeo i fa'ata'oto o ni tala e fa'aamio atua, ae i faiga a Mataio – o lesu – o le moni o ni lu'itau ia ina ia taumafai ai e sa'ilili le 'ese'esega o ala o le Atua mai iā tatou ala.

#### **Metitasio Aso Sa Tolu o Setema**

#### **Loto Fa'afetai i lo le Tomumu**

A tatou mataala ma lapata'i o tatou agaga, o le a tatou ola se fa'afetai fa'aauau. Ua lofituina i tatou i manatu o le tele o kalasia: o manava o tatou tinā, le susu na ia fafaga ai i tatou, o galuega a o tatou tamā ma le āfu, le atamai ma le fa'atonutonu na maua mai i faia'oga, le tu'utō mai ositaulaga o latou lima ua fa'apa'iaina, fa'amagalo, avatu le Tino o Keriso, ma tu'uina atu le fa'apa'iaina o le ma'i i o tatou tino.

Fa'afetai le Ali'i e, mo le filifilia o matou o au fanau. Fa'afetai mo le aumaiā o Maria e fai mo matou Tinā. Fa'afetai mole misiona ua matou taliaina mai iā oe i lau Ekalesia. Fa'afetai mo le fa'aalia o au misitelio iā i matou. Fa'afetai mo le tele o uso ma tuafafine e fafagaina i matou.

Fa'afetai mo tagata e tu'uina fa'afitauli i o matou ala ma mafua ai fa'aletonu; ua latou fesoasoani e avea i matou ma pa'iaga. Fa'afetai mo matou fanau mai o ni tagata. Fa'afetai mo le mafai ona matou ola ai i lenei taimi o le tala'aga. Fa'afetai mo le fa'asoai mai o lau kalise o'ona.

E tatau ona matou pepese ou vi'iiga i lenei olaga atoa mo nei meaalofa. E fia ni vi'iiv'iiga e ao ona matou avatu mo au kalasia e le faitaulia, ua matou iloaina, ma isi kalasia ua matou le manatuaina pe na iloaina fo'i. Matou te mana'omia se fa'avavau e fa'afetai atu ai. E fa'apefea ona matou tautia oe, le Ali'i e, mo le fa'atutuulia o matou olaga i le anoanoa'i o mea lelei?



# FAITAUGA MO LE MASINA O SETEMA 2020

## ASO SA FA ASO SA 26 TAUSAGA MASANI:

Faitauga 1: Esekielu 18: 25 – 28

Matua: A liliu 'ese lē ua amio leaga i lana amio leaga, e fa'ailoaina e ia lona agaga.

Salamo: 25: 4 – 5 (tali), 6 – 7 (tali), 8 – 9 (tali)

Tali: Le Ali'i e, ia e manatua lou alofa mutimutivale.

Faitauga 2: Filipi 2: 1 – 11

Matua: la ī te outou lenei manatu o ī Keriso lesu.

*Aleluia, Aleluia...Le Ali'i e, ia e tatalaina o matou loto ia naunau i afioga a lou Alo ...Aleluia.*

Evagelia: Mataio 21: 28 – 32

Matua: Mulimuli ane ua salamō ia, ua alu. E muamua atu tagata ao lafoga ma fafine talitane ī te outou i le malō o le Atua.



### **Tofitofiga O le Upu:**

O le mataupu 18 a Esekielu o se a'oa'oga umi i matafaioi fa'aletagata. I le tele o sosaiete anamua sa malosi le fa'apatieliaka ma le faiga fa'avae e mafai ona finauina malosi o tagata ta'ito'atasi sa puapuagatia mai agasala a latou sa pulea – o se vaega o lenā ua mafai ona sa'ilī i nisi o faitauga mai le Feagaiga Tuai (fa'ata'ita'iga Esoto 20: 5). O lo'o talanoa Esekielu ī latou sa fa'aaunu'ua o lo'o puapuagatia, ma o ia mafua'aga o le fa'ata-mala o latou na mafua ai le to'ilalo ma le fa'aleagaina o Israuelu ma Ierusalem; ua latou puapuagatia ona o agasala a o latou 'tamā'. Na te'ea e Esekielu lenei finaua – ua puapuagatia latou ua fa'aanu'ua ona o a latou lava agasala ma le fa'alata – o mea ia na latou faia na mafua ai le tulaga fa'anoanoa ua i ai. Ua vala'auina i latou ina ia salamō – ma ola ai – ona o le Ali'i e lē fiafia i le oti o se tagata. O le fa'ata'oto a lesu ua fa'ailoa mai ai le

Iaina lava lea o le finaua. O le uso matua na musu e usita'i – ae na toe mafaufau ai ma faia e pei ona fa'atonuina ai o ia. O le uso lona lua na lelei lava upu na tautala ai ae e le'i mulimulita'i i ana fa'aupuga. E ao fo'i ona tatou maitauina o lo'o talanoa atu lesu i le ta'ita'i ositaulaga ma ali'i matutua, ma o ana upu na faia ma le iloa e fa'atupuita ma leaga ina ua ia fai atu ī i latou, o le au ao lafoga ma fafine talitane ua muamua atu ī i latou i le malō o le Atua'. O latou ua agasala ua ola i olaga na foliga mai ua te'ea poloa'iga a le Atua, ae o le fe'au a loane le Papatiso ua ta'ita'iina ai i latou e salamō ma e ao ona ola pea. O le vaega pu'upu'u o le faitauga mai le tusi ia Filipi – o le faitauga lona lua o le asō – e mafai ona so'ota'i i le manatu lea, ae o se fa'aletonu tele pe a lē avatua i le 'au fa'alogologo le solo mamalu ma le matagofie ua avea ma ana vaega lona lua.

### **Metitasio Aso Sa Fa o Setema**

#### **Sauniuni ma le Lotomalie**

Na fai mai lesu ī i tatou, a tatou tatalo, ia tatou fa'apea atu "Lo matou Tamā". O lona Tamā o lo tatou Tamā. E ala atu i le Alo ua tosina i tatou i se mafutaga mafana ma le Tamā. O le alofa a le Tamā mo le Atali'i, lesu, ua fa'auaua mai ī i tatou. E ala ile Papatisoga na faia e le Atua i tatou ma ana fanau, o la tatou mafutaga la ma le Atua o le mafutaga a le tamaitiiti ma le Tamā...E va'ai atu le tamaitiiti i le tamā ma le alofa, fa'aaloalo, fa'amemelo ma, ioe, e iai ma le mata'u. E fa'apea fo'i ona tatou va'ava'ai i lo tatou Tamā fa'alelagi ma se itua'iga o maofa,. Vivi'i, ma le fa'aaloalo ua tatau ai mo le Ali'i. O lo tatou usita'i ua tafe mai lea i la tatou fa'aaloalo ma le alofa...

E fa'apefea ona tatou mata'u i le Ali'i? Ua aumai e le Salamo 112 le tali. *Aleluia!* Amu'ia le tagata o le mata'u i le ALI'I, o lo'o fiafia tele i ana poloa'iga. E pei o le fai Salamo ua tatou vivi'i i le fa'aloalo ma le fiafia: le mata'u i le Ali'i ua so'ota'i le fiafia i le usita'i.

O le usita'i o a tatou fanau ua aumaia se fa'ata'ita'iga masani mo a tatou tali atu i lo tatou Tamā i le lagi. E muamua ua latou usita'i mai le fefe mo mea e tutupu mulimuli mai. O se faiga ua masani ai tamaiti laiti, aemaise pe a a'afia ai le saogalemū. Ae ui i lea, tatou te sa'ilī mo le alofa ua matua a le tamaitiiti o lē ua usita'i mai le loto- e fa'afiafia i tatou, fa'aloalo ia i tatou. O lenei usita'i ua tafe mai i se fa'aaloalo ua agatatau mo i tatou.

E fa'apea fo'i le fa'amatua a le Atua mo tatou. I le Tatalo ole Salamō, ua tatou ioenia ai ua tatou sesē i luma o le Atua, ma tatou te salamō mo a tatou agasala ona ua tatou "matata'u mo le sao atu i le lagi ma le tigaina o Ifeli, ae o le sili lava, ona ua latou fa'atigā ī te 'oe, o le ua agalelei ma alagatatau o matou alolofa". I le fefe mo le taui e fa'avavau o a tatou gaioiga o se mea tatau lea e fa'aoesofaina ai le usita'i i le Ali'i – e moni le i ai o ifeli – Ae o le tali ua matua o lo'o sa'ilī e le Atua mai tamaiti ia latou usita'i ona o lo latou alofa mo ia...O le tele o le mata'u i le Ali'i e ta'ita'iina ai i tatou i le atamai. o le tuputupu fo'i lea o le loto maualalo. Ua tatou iloa o ai le Ali'i – ua talafeagai ai a tatou vi'i'iiga – ma ua tatou iloaina o tatou ua na o ni tagata laiti ma e fa'apitoa fo'i i tatou i lana silafaga.



## FAITAUGA MO LE ASO SA MUAMUA O OKETOPA 2020

**Aso Sa 27 Tausaga Masani: Faitauga muamua: Isaia 5: 1 – 7**

Matua: O le tovine a le Ali'i o a'u, o le aiga o Isaraelu lea.

Salamo: 80: 8, 11 (tali), 12 – 13 (tali), 14 – 15 (tali), 18 – 19 (tali). Tali; O le tovine a le Ali'i, o le aiga o Isaraelu lea.

Faitauga lona lua: Filipi 4: 6 – 9. Matua: la iā te outou le Atua e ona le manuia.

Aleluia, Aleluia...Le Ali'i e, ia e tatalaina o matou loto ia naunau i afioga a lou Alo ...Aleluia.

Evagelia: Mataio 21: 33 – 43. Matua: E tu'uina atu e ia le tovine i nisi e galulue i vine.

### 1<sup>st</sup>. Sunday

**6 Setema 2020**

0.8.30am	Strathmore	Leai se Misasa
11.30am	Titahi Bay	Leai se Misasa

### 2<sup>nd</sup>. Sunday

**13 Setema 2020**

11.30am	Naenae	Patele Maleko
12.00pm	Taita	Patele Tuli

### 3<sup>rd</sup>. Sunday

**20 Setema 2020**

11.00am	Newtown	Leai se Misasa
11.30am	Wainuiomata	Leai se Misasa
11.00am	Porirua	Patele Andrew

### 4<sup>th</sup>. Sunday

**27 Setema 2020**

11.00am	Lower Hutt	Leai se Misasa
11.30am	Stokes Valley	Patele Tuli

**Mikaele Teofilo:**

 m.teofilo@wn.catholic.org.nz

 021 0818 5037

 +64 4 496 1707

 PO Box 1937, Wellington 6140, New Zealand